

15 JAN, 2024



Jualan Agro MADANI tangani kos sara hidup dan meningkatkan pendapatan usahawan: Aminuddin

Utusan Borneo Sarawak, Malaysia

Page 1 of 2

Jualan Agro MADANI tangani kos sara hidup dan meningkatkan pendapatan usahawan: Aminuddin

KUCHING: Jualan Agro MADANI yang diperkenalkan di Sarawak mulai semalam akan sentiasa dipantau dan diperluaskan selaras dengan hasrat kerajaan untuk membantu meringankan beban rakyat dengan kos sara hidup yang masih tinggi.

Perkara itu ditegaskan menerusi satu kenyataan daripada Unit Komunikasi Korporat FAMA Negeri Sarawak semalam.

Jualan itu akan dilaksanakan oleh agensi pelaksana di bawah Kementerian Pertanian dan Keterjaminan Makanan (KPKM).

“KPKM melalui agensi-sentiasa komited dan berusaha mengutamakan agenda kesejahteraan rakyat meskipun berdepan pelbagai cabaran.

“Justeru, KPKM bersedia mengambil sikap terbuka bagi menambah baik segala aspek dalam usaha memperkuat sektor agromakanan dan keterjaminan makanan negara,” katanya.

Majlis Pelancaran Jualan Agro MADANI Peringkat Negeri Sarawak di Kubah Ria Satok telah disempurnakan oleh Pengurus FAMA Malaysia Aminuddin Zulkifli di sini semalam.

Pihaknya turut menjual pelbagai barang pertanian segar terpilih seperti say-



BERPATUTAN: Aminuddin (kanan) menunjukkan jualan telur dan bergambar bersama pelanggan di Kubah Ria semalam.

ur-sayuran, buah-buahan, ayam, telur, daging, ikan dan lain-lain yang dijual pada harga berpatutan.

Selain itu, terdapat juga Kombo MADANI dan promosi jualan seperti produk makanan seperti ayam, telur, daging, produk Agromas dan sayur-sayuran.

Pada tahun lepas Jualan Agro MADANI di Sarawak telah mencatat nilai jualan RM5.059 juta setelah diadakan di 353 lokasi di

seluruh bahagian negeri ini dengan melibatkan 7,889 usahawan.

Aminuddin pula menambah Jualan Agro MADANI dapat menyumbang kepada peningkatan kebolehdapatan dan ketersediaan bagi memudahkan pengguna mendapatkan bekalan produk segar pada kadar harga yang berpatutan.

“Jualan Agro MADANI akan diperluaskan pelaksanaannya dengan sasaran se-

banyak 5,000 sesi jualan pada tahun ini yang dijangka akan memberi manfaat kepada 7.2 juta isi rumah dengan nilai penjimatan dianggarkan RM17.25 juta,” ujarnya kemudian.

FAMA juga telah mengambil pendekatan dengan memperluas pelaksanaan program di outlet-outlet peruncitan FAMA di seluruh negara, antaranya seperti Pasar Tani, Pasar Tani Kekal dan Agrobazaar.



15 JAN, 2024

Jualan Agro MADANI tangani kos sara hidup dan meningkatkan pendapatan usahawan: Aminuddin

Utusan Borneo Sarawak, Malaysia

Page 2 of 2

SUMMARIES

KUCHING: Jualan Agro MADANI yang diperkenalkan di Sarawak mulai semalam akan sentiasa dipantau dan diperluaskan selaras dengan hasrat kerajaan untuk membantu meringankan beban rakyat dengan kos sara hidup yang masih tinggi Perkara itu ditegaskan menerusi satu kenyataan daripada Unit Komunikasi Korporat FAM A Negeri Sarawak semalam. Jualan itu akan dilaksanakan oleh agensi pelaksana di bawah Kementerian Pertanian dan Keterjaminan Makanan (KPKM).